



老前人心性嘉語

- ◎ 欲行善事，宜守本分，非先聖之法言不敢言，非先聖之法行不敢行，勿貪功而忘義，勿越位而求成，素富貴行乎富貴，素貧賤行乎貧賤，素患難行乎患難。
- ◎ 求大道端倪，先須側身修行，順乎正道便是回鄉路徑，倘若不矜細行，累乎大德非輕，一行有失百行傾，終難超入聖境，故大道必重躬行！
- ◎ 惡念既絕，善心宜崇，行時時之方便，積種種之陰功，待人以恕，持己必忠，道義常藏靈府，綱紀時罣寸衷，遵古佛之玉律，精一以執其中。